

四庫全書

史部

欽定四庫全書

史部

關中勝蹟圖志

目錄  
卷二

詳校官太僕寺少卿<sub>臣</sub>李廷欽

編修<sub>臣</sub>程嘉謨覆勘

總校官進士<sub>臣</sub>朱鈴

校對官助教<sub>臣</sub>胡予襄

謄錄監生<sub>臣</sub>呂沛惇

欽定四庫全書

史部十一

關中勝蹟圖志目錄

地理類七古蹟之屬

卷一

陝西省

地理

西安府

地理

卷二

西安府

名山

卷三

西安府

大川

卷四

西安府

古蹟

卷五

西安府

古蹟

卷六

西安府

古蹟

卷七

西安府

古蹟

卷八

西安府

古蹟

卷九

同州府

地理

卷十

同州府

名山

卷十一

同州府

名山

華嶽

卷十二

同州府

大川

卷十三

同州府

古蹟

卷十四

同州府

古蹟

卷十五

鳳翔府



地理

卷十六

鳳翔府

名山

卷十七

鳳翔府

大川

卷十八

鳳翔府

古蹟

卷十九

漢中府

地理

卷二十

漢中府

名山

卷二十一

漢中府

大川

卷二十二

漢中府

古蹟

卷二十三

延安府

地理

名山

大川

古蹟

卷二十四

榆林府

地理

名山

大川

古蹟

卷二十五

商州

地理

名山

大川

古蹟

卷二十六

乾州

地理

名山

大川

古蹟

卷二十七

邠州

地理

名山

大川

古蹟

卷二十八

興安州

地理

名山

大川

古蹟

卷二十九

綏德州

地理

名山

大川

古蹟

卷三十

廊州

地理

名山

大川

古蹟

卷三十一

圖

陝西省 西安等府州屬疆域

卷三十二

圖

華嶽 中南 太白 吳岳

黃河 渭河 漢江 龍首

永濟二渠 龍洞渠

附漢未央長樂宮 建章宮 唐西內

東內 南內 華清宮

臣等謹案關中勝蹟圖志三十二卷乾隆四

十一年巡撫陝西兵部侍郎兼都察院右副

都御史

臣

畢沅所撰進也關中為禹貢雍州

舊壤黑水西河古稱神臯陸海漢唐皆建都

其地凡夫城郭宮室之鉅麗市井風物之阜

繁高山大川之奇麗而雄偉其遺聞古蹟流

傳最多故學士大夫每加哀輯自關中記三

輔舊事三輔黃圖以下如宋敏求長安志呂



大防長安圖記程大昌雍錄無名氏華山記  
李好文長安志圖伍福馬理陝西通志何景  
明雍大記李應祥雍略南軒關中文獻志之  
類幾及數十家體例不同未免純駁互見我  
國家釀化覃敷漸被西土雨暘時若慶告屢豐  
華嶽之祠太白之湫俱仰荷

宸翰褒題光燭霄宇其秦漢涇渠故道亦俱次第  
興脩勝蹟留貽倍加生色是編舉陝西巡屬

諸州縣各分地理名山大川古蹟四目考據  
本末薈粹諸書系之以圖敬陳

乙覽

臣

等謹為錄副藏在秘書亦庸以備一統志  
之採擇焉乾隆四十六年五月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

欽定四庫全書

關中勝蹟圖志卷一

陝西巡撫臣畢沅撰

地理

陝西省禹貢黑水西河惟雍州

孔安國傳西距黑水東據河龍門之河在冀州

西故曰西河 謹按今陝西地惟漢中府興安州商州為古梁州域餘皆屬雍

一統志周為王

畿東遷後屬秦其東境分屬晉戰國時秦都咸陽其東

北境屬魏南境屬楚秦始皇并天下以京師為內史兼

置上郡漢中等郡漢元年項羽以漢中為漢國分秦地為雍塞翟三國高帝都長安初置渭南河上中地郡九年復為內史景帝分置左右內史武帝改內史置京兆尹左馮翊右扶風是為三輔置司隸校尉統之又以上

郡朔方

元朔二年置

西河

元朔四年置

等郡屬并州漢中郡屬益

州後漢光武遷都雒陽以三輔屬司隸諸郡分屬并益州如故建安十八年罷司隸置雍州三國屬魏仍曰雍州其漢中郡屬漢後屬魏分置梁州晉仍曰雍梁二州

晉初於長安置雍州統京兆馮翊扶風安定北地始平  
新平七郡梁州治漢中所領郡皆在今四川界魏興郡

則屬建興元年復都長安尋皆陷建興二年李雄陷漢中四年劉曜陷長安

大興二年曜自平陽徙都長安改號趙咸和四年石勒  
克長安永和六年苻堅據關中為前秦十一年姚萇據

長安為後秦義熙十三年劉裕滅後魏神麴三年平關  
姚秦十四年夏赫連勃勃陷長安

中仍為雍州後分置洛岐華夏北華等州正始間分置

東益東夏南岐東梁及東秦北雍東雍諸州西魏徙都

長安州名更易不常復增置綏丹洋三州後周武帝保

定三年增置銀州隋開皇二年建新都三年廢郡存州

大業初改雍州為京兆尹又改諸州為馮翊

本西魏廢帝所置同

州扶風

本岐州

上郡

本郿州

雕陰

本綏州

延安

本延州

朔方

本夏州

榆林

本勝州隋開皇二十年置

漢川

本梁州

西城

本金州

河池

本鳳州

順政

本興上洛

本洛州後周改商州

等郡唐仍隋都復改諸郡為州貞

觀元年分置關內及山南道

關內道治京兆府領鳳翔府華同商郿隴郿坊丹延

鹽夏綏銀宥麟勝等州唐末李茂貞又增置乾耀鼎翟等州山南道開元二十一年又於山南分東西二道

後又分置鳳翔郿寧夏州山南西道諸節度使唐末廢

都五代因之

乾耀郿岐隴郿坊丹延九州初屬岐鳳州屬岐亦屬蜀金州初屬蜀後皆屬唐梁洋

二州屬  
前後蜀  
宋初曰陝西路熙寧五年分為永興軍路兼屬

秦鳳利州京西河東四路

宋史地理志慶厯元年分陝西沿邊為秦鳳涇原環慶鄜

延四路熙寧五年以熙河洮岷州通遠軍為一路又以熙河等五州軍為一路通舊鄜延等五路後分永興保安軍等為永興軍路秦階隴鳳等為秦鳳路並置轉運使仍以永興鄜延環慶秦鳳涇原熙河分六路各置經略安撫司永興軍路領京兆延安府同華耀邠鄜商坊丹等州其後又增銀州醴州及綏德清平等軍其鳳翔府隴鳳二州屬秦鳳路興元府洋興二州屬利州路金州屬京西路麟府豐三州屬河東路

南渡後

陝西地入於金分為京兆鳳翔鄜延等路

京兆府路本宋永興軍路

皇統二年改名鳳翔路本宋秦鳳路大定二十七年改名鄜延路治延安府又以邠州分屬慶原路其興元府

欽定四庫全書

金洋鳳沔等州則  
仍屬宋利州路

元中統三年立陝西四川行省治京

兆至元二十三年改為陝西等處行中書省明初仍立

陝西行省洪武九年改置陝西等處承宣布政使司

有左

右二使並治西安府共領八府一州  
又置陝西都指揮使司統諸衛所

本朝初因明之舊康熙二年移右布政使治甘肅左布政

使仍治西安領西安延安鳳翔漢中四府興安一州陝

甘始分雍正三年升西安府之商同華耀乾邠六州延

安府之鄜綏德葭三州直隸陝西布政司九年又改榆



林衙為府十三年復改同州為府華州屬焉耀州改屬

西安乾隆元年葭州改屬榆林今領府六

西安同州鳳翔漢中延安

榆林

直隸州六

興安商乾邠鄜綏德

州縣七十有八

詳見各府

西安府釋名通志本元西安路明因其義改為府沿革

一統志自府治至

京師二千六百五十里禹貢雍州之域周武王都此為鎬

京東遷後屬秦為都邑

史記秦本紀德公初居雍獻公徙治櫟陽孝公作咸陽徙都之

始皇置內史漢元年項羽分置雍塞二國

章邯為雍王王咸陽以西

司馬欣為塞王王咸陽以東至河及翟國為三秦

尋併於漢二年改為渭南河

上中地三郡

渭南即京兆河上即左馮翊皆塞國地中地即右扶風雍國地

五年定都

於此九年罷郡復為內史景帝二年分置左右內史

此為

左內史

武帝太初元年改右內史為京兆尹左內史為左

馮翊主爵都尉為右扶風謂之三輔後漢遷都洛陽置

雍州於此尋罷晉初仍置雍州建興後歷為劉聰石勒

苻健姚萇赫連勃勃所據後魏亦曰雍州京兆郡

時郡移治

霸城

永熙三年遷都於此是為西魏隋開皇二年建新都

三年罷京兆尹復置雍州大業三年復故唐仍隋都武

德元年又改郡曰雍州貞觀元年為關內道治開元元

年改曰京兆府二十一年置京畿採訪使

唐書地理志唐仍隋都初

曰京城天寶元年曰西京至德二載曰中京上元二年復曰西京代宗元年曰上都天祐初遷都

洛置佑國軍節度使於此五代梁改為大安府改軍曰

永平後唐復為西京京兆府晉罷京置晉昌軍漢改永

興軍周因之宋復曰京兆府永興軍節度為陝西路治

熙寧後為永興軍路治金皇統二年置總管府為京兆

府路治元初亦曰京兆府中統三年置陝西四川行省  
治此至元十六年改京兆府為安西路總管府二十三  
年改陝西行省皇慶元年改為奉元路明洪武元年改  
曰西安府為陝西布政使司治

本朝因之今領縣十五曰長安咸寧咸陽興平臨潼高陵  
鄠藍田涇陽三原盩厔渭南富平醴泉同官州一曰耀州  
府城通志即隋唐京城舊址隋文帝厭長安制小召高  
頗等創建新都其地在漢故城東南南直終南子

午谷北枕龍首山以據渭水東臨灊澗唐永徽五年築  
羅城天佑元年匡國軍節度使韓建改築約其制謂之  
新城宋金元因之明洪武初增修周四十里門四東曰  
長樂西曰安定南曰永寧北曰安遠十七年建鐘鼓二  
樓於城內東西相距半里許

滿城通志在府城內東北隅西界鐘樓

本朝順治六年即故明秦藩城改築門五

長安縣釋名三輔黃圖長安本秦鄉名史記始皇本紀

王弟長安君成嶠漢書楚懷王封項羽為長安侯因以  
名縣沿革一統志附郭漢高帝五年定都於此置長安  
縣為京兆尹治王莽改曰常安後漢復舊晉為京兆郡  
治後魏以後因之唐為京兆府治乾封初分置乾封縣  
長安二年復併入焉五代梁改曰大安後唐復舊宋金  
因之元為奉元路治明為西安府治

本朝因之

咸寧縣釋名名為天寶初改取萬國咸寧之意沿革一

統志附郭本周杜伯國漢置霸陵杜陵等縣屬京兆尹  
晉改霸陵曰霸城杜陵曰杜縣屬京兆郡後魏以霸城  
為京兆郡治改杜縣為杜城屬焉後周明帝二年分置  
萬年縣與長安並治京城建德二年省霸城杜城二縣  
入之隋開皇三年改曰大興為京兆郡治唐武德初復  
曰萬年天寶七載改為咸寧縣乾元二年復曰萬年五  
代梁改曰大年後唐復曰萬年宋仍為京兆府治宣和  
七年改曰樊川金又改曰咸寧泰和四年廢入長安尋

復置元為奉元路治明為西安府治

本朝因之

咸陽縣釋名三秦記咸陽秦所都在九峻山南渭水北

山水俱陽故名咸陽

元和郡縣志山南曰陽水北亦謂之陽縣在北山之陽渭水之北

沿革一統志治在府西少北五十里秦置縣漢高帝元年更名新城七年罷屬長安元鼎三年更名渭城屬右扶風晉咸和中後趙置石安縣苻秦兼置咸陽郡後魏移郡於涇水北以縣屬之隋廢入涇陽縣唐武德元年



復置咸陽縣屬雍州五代宋金因之元屬奉元路明屬西安府

本朝因之 縣城通志舊在杜郵館西明洪武四年遷今治南濱渭河周九里有奇門五

興平縣釋名唐至德初置興平軍於此尋改為縣即以名之沿革一統志治在府西一百里周大邱邑秦曰廢邱漢為槐里茂陵平陵三縣地俱屬右扶風後漢以槐里為右扶風治三國魏黃初中改平陵曰始平晉初併

茂陵入始平於槐里置始平郡後魏太平真君中郡廢  
二縣俱屬扶風郡西魏以始平為郡治隋省槐里以始  
平縣屬京兆郡唐天授二年改屬稷州大足元年還屬  
雍州景龍四年改曰金城至德二載改為興平貞元中  
嘗以神策軍屯此曰興平鎮五代宋屬京兆府金因之  
元屬奉元路明屬西安府

本朝因之 縣城通志隋大業九年築周七里有奇門四  
臨潼縣釋名方輿紀要以縣有臨潼水故名沿革一統

志治在府東五十里周為驪戎國秦為驪邑漢高帝七年置新豐縣屬京兆尹晉屬京兆郡隋初屬雍州大業初屬京兆郡唐初仍屬雍州垂拱二年改為慶山縣天授二年屬鴻州大足元年還屬雍州神龍元年復曰新豐天寶三載析置會昌縣七載省新豐改會昌曰昭應五代因之宋大中祥符八年避昭應宮名改曰臨潼屬京兆府金因之元屬奉元路明屬西安府

本朝因之 縣城通志唐天寶六載建明洪武初增築周

四里門四

高陵縣釋名史記秦昭王封弟高陵君郭子章云南有奉政原高四五丈名所由昉也沿革一統志治在府東北七十里秦孝公置縣漢屬左馮翊三國魏改曰高陸屬京兆郡晉因之尋復舊後魏熙平中復為高陸隋大業二年復曰高陵屬京兆郡唐天授二年屬鴻州大足元年還屬雍州五代宋金因之元屬奉元路明屬西安府

本朝因之 縣城通志隋大業七年建明景泰元年增築  
周四里有奇門四

鄠縣釋名長安志本夏之扈國也秦改為鄠姚察漢書  
訓纂扈鄠一也古今字耳沿革一統志治在府西南七  
十里本夏時扈國漢置鄠縣屬右扶風晉屬始平郡後  
魏太平真君七年改屬京兆郡唐屬京兆府五代宋金  
因之元屬奉元路明屬西安府

本朝因之 縣城通志隋大業十年建周六里有奇門四

藍田縣釋名長安志秦孝公置周禮玉之美者曰藍三  
秦記縣出美玉故名沿革一統志治在府東南九十里  
秦置縣漢屬京兆尹晉屬京兆郡後魏太平真君七年  
併入霸城縣太和十一年復置仍屬京兆郡周閔帝於  
縣置藍田郡武帝時省隋仍屬京兆郡唐屬京兆府五  
代宋金因之元屬奉元路明屬西安府

本朝因之 縣城通志本名嶢柳城亦名青泥城晉桓溫  
伐苻健遣京兆太守薛珍擊青泥破之即此周四里有

奇門四

涇陽縣釋名史記秦昭王弟悝封涇陽君苻秦置縣蓋以涇水在縣之南也沿革一統志治在府西北七十里漢惠帝四年置池陽縣屬左馮翊晉初為扶風郡治苻秦又析置涇陽縣後魏徙咸陽郡治池陽以涇陽屬焉後周廢池陽縣隋開皇初郡廢以涇陽縣屬雍州唐天授二年改屬鼎州大足元年還屬雍州五代宋因之金屬京兆府元至元二年併入高陵三年復置屬奉元路

明屬西安府

本朝因之 縣城通志秦苻堅創建元至正二十七年修  
築周五里有奇門四

三原縣釋名長安志前秦苻堅於畿嶺山置三原護軍  
以其地南有鄠原西有孟侯原北有白鹿原是為三原  
因以名縣沿革一統志治在府北九十里漢池陽縣地  
後魏太平真君七年置三原縣屬北地郡永安元年於  
縣置建忠郡後周建德初郡廢隋屬京兆郡唐武德四



年改曰池陽六年改曰華池仍分置三原縣屬北泉州  
貞觀元年省三原縣改華池曰三原屬雍州天授二年  
屬鼎州大足元年還屬雍州五代唐屬耀州宋金元因  
之明改屬西安府

本朝因之 縣城通志縣本舊龍橋鎮元至元二十四年  
徙縣治於此築城周九里有奇門四水門二明初增築  
西郭門二嘉靖三十六年築北郭門四崇禎中增築東  
郭門二

藍屋縣釋名長安志漢舊縣也山曲曰藍水曲曰屋因以名之沿革一統志治在府西南一百六十里漢縣屬右扶風後漢省後魏復置屬扶風郡後周置周南郡兼置恒州尋並廢隋屬京兆郡唐武德三年屬稷州貞觀元年屬雍州天授二年又屬稷州大足元年還屬雍州天寶元年改曰宜壽至德二載復故乾寧中改屬乾州天復初改屬鳳翔府五代及宋因之金貞祐四年陞為恒州元初州廢縣屬奉元路明屬西安府

本朝因之 縣城通志本隋唐舊址周五里有奇門四

渭南縣釋名通志縣名始前秦苻堅以在渭水之南也  
沿革一統志治在府東一百四十里漢新豐縣地苻秦  
置縣後魏孝明帝改置渭南郡及南新豐縣西魏廢帝  
二年又改縣曰渭南後周郡廢隋屬京兆郡唐武德初  
改屬華州五年屬雍州天授二年於縣置鴻州大足元  
年鴻州廢還屬雍州五代周顯德三年改屬華州宋熙  
寧六年省入鄭縣元豐元年復置仍屬華州金元因之

明萬厯中改屬西安府

本朝因之 縣城通志隋大業九年建元至正二十一年  
拓修周七里門四

富平縣釋名長安志晉徙北地郡富平縣於懷德城蓋  
用其舊名也沿革一統志治在府東北一百二十里秦  
置頻陽縣漢屬左馮翊三國魏徙置富平縣於此屬北  
地郡頻陽仍屬馮翊郡後魏景明元年改頻陽置土門  
縣與富平俱屬北地郡西魏移北地治富平後周改曰

中華郡尋罷隋大業初廢土門入富平屬京兆郡義寧二年復置土門縣唐初二縣俱屬雍州貞觀十七年又廢土門縣咸亨二年復以故土門置美原縣天授二年二縣俱屬宜州大足元年還屬雍州天祐二年於美原縣置鼎州五代梁改裕州後唐廢裕州二縣俱屬耀州金廢富平縣入美原元省美原復置富平縣仍屬耀州明萬曆三十六年改屬西安府

本朝因之 縣城通志本名窰橋頭元末張良弼移縣治

於此明正統初築城周三里門四

醴泉縣釋名元和郡縣志縣有後周醴泉宮隋因以為  
名沿革一統志治在府西北一百二十里秦谷口邑漢  
置谷口縣屬左馮翊後漢廢晉為池陽縣地後魏置寧  
夷縣屬咸陽郡西魏兼置寧夷郡後周改郡曰寧秦後  
廢隋開皇十八年改縣曰醴泉屬京兆郡唐武德中省  
貞觀十年復置天授元年屬鼎州大足元年還屬雍州  
乾寧中改屬乾州五代後唐同光中還屬京兆宋政和

八年改屬醴州金屬乾州元因之明萬厯三十六年改屬西安府

本朝因之 縣城通志即古仲橋城元增築周二里許明成化四年拓外城六里有奇門五

同官縣釋名元和郡縣志苻秦於銅官川置銅官護軍後魏改置銅官縣周作同沿革一統志治在府治北二百五十里漢祓祠縣地後魏太平真君七年置縣屬北地郡周曰同官隋屬京兆郡唐武德初屬宜州貞觀十

七年屬雍州天授二年屬宜州大足元年改屬耀州宋  
金元明未改

國初因之雍正十三年耀州改隸西安府並縣屬焉縣  
城通志後周建德四年建明增修周四里門四

耀州釋名通志郭子章云州東十五里有鑑山年豐則  
山中有光耀如鑑州以是名沿革一統志治在府治北  
一百八十里漢置葭州屬左馮翊後漢初廢永元九  
年復置三國魏廢葭州屬泥陽縣兼置北地郡晉因



之後魏太平真君七年并泥陽入富平景明元年復置  
仍屬北地郡永熙元年兼置北雍州西魏廢帝三年改  
州曰宜州又改郡曰通川隋開皇三年郡廢六年改縣  
曰華原大業三年州廢縣屬京兆郡義寧二年於縣置  
宜君郡唐武德初曰宜州貞觀十七年州廢屬雍州垂  
拱二年改縣曰永安天授二年又置宜州大足元年州  
廢還屬雍州神龍元年復曰華原天祐三年以縣置耀  
州

唐書方鎮表天祐三年置義  
勝軍節度使領耀鼎二州

五代梁貞明元年改曰

崇州後唐同光二年復故

五代史職方考耀州屬岐為義勝軍梁改靜勝唐改順義

周罷軍

宋亦曰耀州華原郡屬永興路

宋史地理志開寶五年為感義軍節

度太平興國初改感德軍

金屬京兆府路元至元元年以州治華原

縣省入屬奉元路明屬西安府

國初因之雍正三年陞為直隸州十三年復改屬西安府

州城通志本華原縣元末遭兵燹城圯明景泰初重建

周六里有奇門四

關中勝蹟圖志卷一

欽定四庫全書

關中勝蹟圖志卷二

陝西巡撫

臣

畢沅撰

名山

西安府南山在西安府城南五十里一統志西自鳳翔府郿縣入境連亘藍屋鄠縣及長安咸寧四縣之南又東抵藍田縣界一名終南尚書禹貢終南孔安國傳山名詩秦風終南何有有紀有堂毛萇傳終南周之名山

一名中南左傳昭公四年晉司馬侯曰中南九州之隘也潘岳關中記中南言在天下之中居都之南也括地

志中南一名太乙山一名周南山一名橘山一名楚山

一名秦山三秦記終南一名地肺

唐太宗望終南山詩重巒俯渭水碧嶂插

遙天出紅扶嶺日入翠貯巖烟疊松朝若夜復岫缺疑全對此恬千慮無勞訪九仙杜審言蓬萊三殿侍宴奉勅咏終南山應制北斗挂城邊南山倚殿前雲標金闕迴樹杪玉堂懸半嶺通佳氣中峰繞瑞烟小臣持獻壽長此戴堯天王維終南山詩太乙近天都連山到海隅白雲迴望合青靄入看無分野中峰變陰晴衆壑殊欲投人處宿隔水問樵夫韓愈南山詩吾聞京城城南茲惟羣山固東西兩際海巨細難悉究山經及地志茫昧非

受授團辭試提挈挂一念萬漏欲休諒不能粗述所經  
觀嘗升崇邱望戢戢見相湊晴明出稜角縷脉碎分繡  
蒸嵐相瀕洞表裏忽通透無風自飄簸融液煦柔茂橫  
雲時平凝點點露數岫天空橫修眉濃綠畫新就孤撐  
有巉絕海浴褰鵬喙春陽潛沮如濯濯吐深秀崖巒雖  
律率輒弱類舍耐夏炎百木盛蔭鬱增埋覆神靈日歎  
戲雲氣爭結構秋霜喜刻轢磔卓立癯瘦參差相疊重  
剛耿凌宇宙冬行雖幽墨冰雪工琢鏤新曦照峴我億  
丈恒高表明昏無定態頃刻異狀侯西南雄太白突起  
莫問造藩都配德運分宅占丁戊道遙越坤位詆訐陷  
乾竇空虛寒兢兢風氣較搜漱朱維方曉日陰霰縱騰  
綠昆明大池北去覲偶晴晝綿聯窮俯視倒側困清溫  
微瀾動水面踴躍躁獠狄驚呼惜破碎仰喜呀不仆前  
尋徑杜墅全蔽畢原陋崎嶇上軒昂始得觀覽富行行  
將遂窮嶺陸煩互走勃然思折裂攤掩難恕宥巨靈與  
夸娥遠賈期必售還疑造物意固護蓄精祐力雖能排

幹雷電怯呵詬攀緣脫手足踳踳抵積梵茫如試矯首  
塙塞生恂愁戚容喪蕭爽近新迷遠舊拘官計日月欲  
進不可又因緣窮其湫凝湛閔陰囂魚鰕可俯掇神物  
安敢寇林柯有脫葉欲墮鳥驚救爭銜彎環飛投棄急  
哺轂旋歸道回晚遠枿壯復奏吁嗟信奇怪峙質能化  
質前年遭譴謫探厯得邂逅初從藍田入顧盼勞頸脰  
時天晦大雪淚目苦矇眊峻壑拖長冰直下若懸溜褰  
衣步推馬顛蹶退且復蒼黃忘遐睎所矚纔左右杉篁  
屹蒲蘇果擢攢介胄專心憶平道脫險逾避臭昨來逢  
清霽宿願忻始副崢嶸躋冢頂倏閱離艱馳前低劃開  
濶爛漫堆衆皺或連若相從或感若相鬪或妥若弭伏  
或聳若驚雛或散若瓦解或赴若輻輳或翻若船遊或  
決若馬驟或背若相惡或向若相佑或亂若抽笋或岵  
若炷灸或錯若繪畫或繚若篆籀或羅若星離或蒼若  
雲逗或浮若波濤或碎若鋤耨或如貞育倫睹勝勇前  
購先強勢已出後鈍嗔詎譎或如帝王尊叢集朝賤幼

雖親不棄狎雖遠不悖謬或如臨食案有核分釘鉅又如遊九原墳墓包擲柩或累若盆甕或揭若斲豆或覆若曝鶩或頽若寢獸或皖若藏龍或翼若搏鶩或齊若友朋或隨若先後或送若流落或顧若宿留或戾若仇讐或密若婚媾或儼若裁冠或翻若舞袖或屹若戰陣或圓若蒐狩或靡然東注或偃然北首或如火熔焰或若氣饋餉或行而不輟或遺而不收或斜而不倚或弛而不殺或赤若禿鬣或燠若柴樵或如龜拆兆或若卦分繇或前橫若剝或後斷若姑延離又屬夫夫叛還遶喁喁魚闕萍落落月經宿闇闇樹牆垣嗽嗽架庫廡參參削劍戟煥煥銜瑩琇敷敷花披萼闔闔屋推雷悠悠舒而安兀兀狂以狂超超出猶奔蠡蠡駭不慙大哉立天地經紀肖營膝厥初孰開張黽俛誰勸侑創茲朴而巧戮力忍勞疚得非施斧斤無乃假咀咒鴻荒意無傳功大莫酬僦嘗聞於祠官苾芬降歆嗅斐然作歌詩惟用贊報醕宋韓琦送秋馬上始見終南詩終南頻月

晦峰密一雨民心萬事寬救徹旱苗充歲望洗開山色  
與人看半天橫示全秦壯積雪高連太白寒欲識衆多  
欣幸意送秋  
歌舞滿長安

臣謹按終南之名於書見諸禹貢於詩見諸秦風而  
小雅之言南山則不一而足又有北山胡三省通鑑  
注關中有南山北山自甘泉連延至於截嶺九峻為  
北山自終南太白連延至於商顏為南山胡渭禹貢  
錐指云古稱終南止於藍屋自秦襄公取周地為諸  
侯徙都於汧國人作詩美之以終南起興說者遂謂



終南遠接汧岐並以蔽迤南連屬之山矣故元和郡  
縣志自鄠郿武功以至長安萬年每縣皆著終南柳  
宗元終南山祠堂記云終南西至於褒斜又西至於  
隴首以迄於戎東至於商顏又東至於大華以距於  
關程大昌雍錄云終南山橫亘關中南面西起秦隴  
東徹藍田凡雍岐鄠郿長安萬年連綿峙踞其南者  
皆此一山由是終南連屬所及幾至八百餘里而太  
乙武功太白胥合為一山矣其以太乙為終南者孔

安國書傳終南一名太一山

括地志同

漢書地理志武功

太壹山古文以為終南至酈道元水經注又云太一

亦曰太白山在武功縣南去長安二百里不知其高

幾何俗云武功太白去天三百武功志復云太白山

一名太乙於是四山一實數名致成聚訟今考張衡

西京賦於前則終南太一薛綜注二山名潘岳西征

賦面終南而背雲陽又云太一龍從李善注太一與

終南別山王應麟地理通釋亦云西京賦以終南太

一並列唐六典又以終南太白並列明非一山至以武功為太白則後人以鄙注語相比附誤合為一耳

臣備位斯土六稔於茲審眎地形旁徵圖籍竊謂關中迤南一帶自古統號南山而終南則止於盤屋太乙當屬今之南五臺漢志之垂山則武功也禹貢之惇物則太白也似此分屬較為指掌瞭如至漢書西域傳云于闐南山東出金城與漢南山相屬大宛傳又云南山即連終南山從京南東至華山過河東北

連延至海從京南連接至蔥嶺萬餘里則更荒渺不可究詰矣

臣謹覆按終南一山綿亘甚遠所屬巖谷以其近者而言自石鼃谷西南如長安之豹林子午諸谷鄠之雲際子房萬花鷄頭白雲將軍牛首諸山大頂凌霄羅漢三閣圭峰諸峰神水高冠太平黃柏烏桑華陽曲谷皂谷直谷栗谷馬谷澇谷諸谷蓋屋之清涼五福石樓黑鳳安樂耐山諸山太微諸峰五泉高山沈

嶺掃帚諸嶺甘谷耿谷赤谷牛谷檀谷田谷就谷飛  
昇西觀東觀團標黃谷韓谷芒谷虎谷駱谷强谷車  
谷韋谷諸谷又西南接郿之太白山自石鼃谷東南  
如咸寧之郊谷土門羊谷小義大義白道諸谷藍田  
之七盤蕢山嶢山金山王順玉山諸山輞谷石門庫  
谷采谷悟真藍谷倒回銅谷傾谷諸谷又東南接商  
之秦嶺其終南之陽自秦嶺而西如鎮安之夢谷平  
頂長陵白崖石馬天書車輪考山栗園旬山諸山西

王都家圪陡賽秦諸嶺蘊谷諸谷漢陰之六面石門  
橫山馬蝗箭幹諸山瘦驢龍會魚洞諸嶺石泉之五  
攢雲霧四方諸山天竹磨兒諸嶺迤西亦與洋之太  
白接合之皆終南也謹彙敘如右至諸嶺谷中綿亘  
瓌竒或有關於勝蹟者仍詳各州縣卷中

太一山在西安府城西南八十里長安縣界漢書地理  
志作太壹山三秦記太一在驪山西山之秀者也咸寧  
縣志一名南五臺延袤十里許道由石壁谷

壁一作鼈  
何景明雍

大記谷口有白圓石其巨如屋形類鼉故名咸寧縣志  
咸長以此分界內有景陽川梅花洞九女潭仙人蹟諸  
勝宋張禮城南遊記谷東南竹谷入雍大記竹谷在府  
南六十里一統志  
有廣惠神祠西有白塔

竹水俗謂之亦中有太乙谷長安志一名靈母谷陸長  
源辨疑志俗呼為炭谷谷  
水出於媚谷

中有太乙峰峰上有呂公洞黃龍洞下有谷內有太乙  
太乙池峰東為玉案峰又東為霧巖峰

湫咸寧縣志一名南山湫初在平地一日風雷移於山  
上都穆終南山記太乙湫一名激源池水廣數丈深

丈許錦鱗浮游人莫敢觸自昔禱雨山頂有金華洞都  
穆  
咸在於是湫南有三官洞雷神洞

記有積水山西壁有八仙洞都穆記洞左有圓石  
明可鑑物謂之石鏡山麓  
人不能至

有日月巖上有玉泉  
洞抱子巖龍泉咸寧縣志在普光寺相傳無  
壞尊者談經於此有龍出聽

故名一名  
仰天池

臣謹按太一山自禹貢孔傳而後漢地理志及括地志並以終南當之今攷馬理陝西通志云太一者猶云第一山也今南山神秀之區惟長安縣南五臺為最雍大記亦云五臺山太乙谷中有太乙元君湫池漢武帝元封二年祀太乙於此建太乙宮又山有太乙峰太乙池証據確鑿臣嘗親詣近郊省視田畝周行南山北麓由留村入山登陟五臺絕頂南望終南



如翠屏環列芙蓉萬仞插入青冥旁皆巨壑深肆無  
景與終南不相嶧屬則太乙自當專屬之五臺不得  
謂之為終南矣至禹貢錐指又謂太乙垂山皆禹貢  
之惇物則又蒙漢志垂山古文以為惇物一語而誤  
更不足據

龍首山在長安縣北十里接咸寧縣界水經注蕭何因  
龍首山營未央宮山長六十餘里頭入於渭尾連樊川  
頭高二十丈尾漸下高五六丈土色赤而堅李好文長

安志圖說山之餘尾城南皆已湮平陂陀北出東西橫  
亘迤邐而去名山記山西北高處為秦長樂漢未央稍  
東南六坡象乾爻者為隋城唐西內其東為唐南內興  
慶龍池之所其北為唐東內大明宮含元宣政紫宸蓬  
萊金鑾諸殿南內東南引漕水入城為龍首渠入東苑  
為龍首池一名龍首原咸寧縣志龍首原起終南東義  
谷徑可數十武蟠曲西北行漸行漸濶杜陵鴻固鳳樓  
諸原皆其橫岡宜春芙蓉曲江諸苑池皆其窪下東界

漣水西界樊川延六七十里一稱小兒原

高陽原在長安縣西南二十里接咸陽縣界又五里為  
永安坡十道志秦葬皇子起冢坡北原上名皇子陂隋  
文帝改曰永安

細柳原在長安縣西南三十三里漢書孝文後六年周  
亞夫為將軍屯細柳一曰柳市游俠傳萬章長安人在  
城西柳市一曰細柳觀司馬相如上林賦登龍臺掩細  
柳郭璞注觀名一曰細柳聚後漢書郡國志長安有細

金史地理志卷二  
卷二  
柳聚

子午谷在長安縣南百里長六百六十里戰國策張儀  
說趙曰秦一軍塞午道鮑彪注長安有子午谷北山是  
子南山是午午道秦南道也漢書王莽傳元始五年秋  
莽通子午道從杜陵直絕南山徑漢中後漢書順帝紀  
延光四年罷子午道魏略建興六年諸葛亮於南鄭與  
羣下計議魏延曰從褒中出循秦嶺而東當子午而北  
不過十日可到長安王海南山大谷凡六謂子午儻略

褒斜南北分列也雍大記一名蝕中南有豹林谷一統

志谷內有東蒙峰

一曰東明峰

宋史种放隱此

已上長安

秦嶺一統志在咸寧藍田二縣南又東接商州界咸寧縣志嶺在縣南一百五十里屬縣界者東西約七十里藍田縣志秦嶺即南山別出之嶺在縣東南凡入商洛者必越嶺而後達東出即藍田關

臣謹按史記秦嶺天下之大阻也三秦記秦嶺東起商洛西盡汧隴東西八百里嶺根水北流入渭號為

八百秦川通鑑地理通釋秦嶺北為秦山南為漢山  
周六百二十里蓋通指終南為秦嶺也今由咸寧藍  
田而至商洛必經行秦嶺是秦嶺特南山東北一支  
嶺耳北控全秦南通荆楚古稱扼隘之地是以史記  
指為大阻三秦記諸書所言殊未確鑿惟一統志云  
終南山脊為秦嶺方輿紀要云南山深處高而大者  
曰秦嶺於地理形勢較為脗合

樂遊原在咸寧縣南八里龍首之橫岡也漢書宣帝紀

神爵三年起樂遊苑闕中記宣帝立廟宇曲池之北號  
樂遊長安志漢時立廟餘趾尚存長安中太平公主於  
原上置亭遊賞後賜寧申岐薛王地居京城之最高每

正月晦日三月三日九月九日京城士女咸就此登賞

祓楔

唐李頻樂遊苑春望詩五陵佳氣晚氤氲霸業雄  
圖勢自分秦地山河連紫塞漢家宮殿入青雲未

央樹色春中見長樂鐘聲月下聞無那楊花起愁思滿  
天飄落雪紛紛李白樂遊苑憶秦娥詞簫聲咽秦娥夢  
斷秦樓月秦樓月年年柳色灞陵傷別樂遊原上清  
秋節咸陽古道音塵絕音塵絕西風殘照漢家陵闕

勲蔭坡在咸寧縣南二十五里為韋杜故里宋張禮城

金史地理志卷二  
南遊記今牛頭寺坡也西有龍堂坡地甚平行中多植  
杏謂之杏花坪

神禾原在咸寧縣南三十里縣志下臨樊川其原南起  
竹谷東西北行三十里入長安為滴水界斷其南為御  
宿川長安圖說原上有蓮花洞唐鄭駙馬所居杜甫詩  
主家陰洞細烟霧即此

杜原在咸寧縣東南十五里通志古杜伯國地以在秦  
漢隋唐都城之東又名東原漢宣帝陵在其上又名杜



陵原西即韋杜二曲

郊谷在咸寧縣東南六十里縣志在炭谷東谷口有遇  
仙橋其上為仰天池又東為土門谷又東為羊谷又東  
為錫谷又東為小義谷谷內有仙人潭又東為白道谷  
谷內為五臺山有蒼鷹嶺又東為大義谷長安志在縣  
東南八十里咸寧縣志大義谷近藍田縣有路通興安

龍首原發脉於此

北周庾信終南山義谷銘并序周保定二年歲次壬午七月己巳朔大家

宰晉國公命鑿石闕之谷下南山之材維公匡濟彝倫弘敷庶績變理餘暇披閱山經以為終南惇物日月虧

蔽杕幹枯栢椅桐梓漆年代蘊積於何不有乃謀山澤  
之官兼引衡虞之匠東出藍田則控灞乘漘西連子午  
則據涇浮渭派別八溪流分九谷銅梁四柱石闕雙啟  
青綺春門溝渠交映綠槐秋市舟楫相通蓄之則為屯  
雲泄之則為行雨青牛文梓白鶴貞松運以置宮崇斯  
雲屋千楹抗殿龍首干雲萬頃踈苗蟬鳴再熟川后讓  
德山靈景從豈如運石甘泉纔通標陽之殿穿渠穀水  
直繞金墉之城將事未勞為功實重國富人殷方傳千  
載因功立事敢勒山阿銘曰寥廓上浮崢嶸下鎮壁立  
千丈峰橫萬仞桂月危懸風泉虛韻乘輿嶺阪舉錡雲  
根八溪分注九谷通源北涵桐井南浮石門模象大壯  
規繩百堵膠葛九成徘徊千柱桂棟凌波栢梁乘雨疏  
川奠谷落實推柯事  
均刊木功作鑿河

鳳棲原在咸寧縣樂遊原東長安志少陵原西北三十

里皆此原縣志漢神爵四年鳳皇十一集杜陵故名在唐為安化里

少陵原在咸寧縣鳳棲原東太平寰宇記即漢鴻固原也通典漢宣帝許后陵顏師古曰即今謂小陵者也去杜陵十八里他書皆作少陵杜甫家焉故自稱杜陵老一曰少陵也通志少陵原乃樊川之北原自司馬村起至何將軍山林而盡

何將軍山林在長安縣南二十里韋曲西今名塔坡詳見卷後相

近為朱坡咸寧縣志丞相朱博故里雍錄坡瞰南山之

勝少保杜公池亭在焉

唐李白杜陵絕句南登杜陵上北望五陵間秋水明落日流光

滅遠山杜牧朱坡詩下杜鄉園古泉聲繞舍啼靜思長  
慘切薄宦與平睽北闕千門外南山午谷西倚川紅葉  
嶺連寺綠楊堤迴墅翹霜鶴澄潭舞錦鷄濤驚堆萬軸  
舸急轉千溪眉點萱芽嫩風條柳惺迷岸藤梢虺尾沙  
渚印鹿蹄火燎細桃塢波光碧繡畦日痕絙翠巘陂影  
墮晴霓蝸壁蘭斑蘚銀筵萱蔻泥洞雲生片段苔徑繚  
高低偃蹇松公老森嚴竹陣齊小蓮娃欲語幽笋稚相  
攜漢館留餘址周臺接古蹊蟠蛟岡隱隱斑斑堆草萋萋  
樹老藤紆組巖深石啟閨侵窻紫桂茂拂面翠禽棲  
有計冠終挂無才筆謾題自塵何太甚休笑觸藩羝

白鹿原在咸寧縣東長安志自藍田縣界至涇水川盡

東西一十五里南接終南北至霸川盡南北四十里三

秦記周平王東遷有白鹿遊於此原以是得名雍錄南

山之麓霸水行於原上至於霸陵皆此原也亦謂之霸

上

霸一作霸

史記王翦伐荆始皇自送至霸上漢元年十月

沛公自霸上遂西入咸陽還軍霸上顏師古漢書注霸

上即今所謂霸頭咸陽縣志原高逾龍首居民鑿井深

數百尺其西南二壑為荆谷神谷神谷中有湧泉味甘

冽唐時以神策軍禁守日以駱駝運水大明宮醞造御

酒其西北為鷄子嶺

唐統千者灞上詩鳴鞭曉日禁城東渭水晴烟灞岸風都傍柳陰回

首望春天樓  
閣五雲中

銅人原在咸寧縣東北灞橋北關中記秦為金人十二  
董卓壞以為錢餘二枚魏明帝欲徙詣洛陽到霸城重  
不可致今在霸城大道南通志即蒯子訓與老父摩挲

銅狄處

唐李賀金銅仙人辭漢歌并序魏明帝青龍元年八月詔宮官牽車西取漢孝武捧露盤仙人

欲立置前殿宮官既拆盤仙人臨載乃潸然淚下唐諸王孫李長吉遂作金銅仙人辭漢歌茂陵劉郎秋風客夜聞馬嘶曉無跡畫欄桂樹懸秋香三十六宮土花碧魏宮牽車指千里東關酸風射眸子空將漢月出宮門憶君清淚如鉛水哀蘭送客咸陽道天若有情天亦老攜盤獨出月荒涼渭城已遠波聲小

長樂坡在咸寧縣東北灞橋之西元和郡縣志坡在漣

水西岸舊名漣阪隋文帝改為長樂坡方輿紀要舊有

長樂驛唐時為迎餞之所咸寧縣志縣北郭外又有三

稜坡西亘長安即長樂之支隴也一名金鑾坡

唐白居易長樂

坡送人賦得愁字行人南北分征路流水東西接御溝終日坡前恨離別謾名長樂是長愁已上咸寧

高陽原在咸陽縣東南二十里縣志秦始皇作阿房宮

依此與長安縣接界

鮮原通志在咸陽縣東二十里詩大雅度其鮮原蘇軾

注文王既克密須於是相其高原而徙都所謂程邑也  
畢原長安志在咸陽縣北史記周本紀畢在鎬東西杜  
中又云畢公高與周同姓武王封之於畢通典初王季  
都之後畢公高封焉漢書劉向傳文武周公葬於畢亦  
稱畢原杜預左傳注咸陽縣北五里有畢原元和郡縣  
志原南北數十里東西二三百里一名畢郢趙岐孟子  
注近豐鎬之地一名畢陌顏師古漢書注畢陌在長安  
西北四十里又名咸陽原雍大記咸陽原在渭水北九



峻山南咸陽縣志西起武功東盡高陵其上文武成康  
周公太公及秦漢君臣陵墓多在焉一名咸陽北阪一  
名渭城北阪一名長平坂其趾為洪瀆原又名池陽原

又名石安原

已上  
咸陽

黃麓山在興平縣西北一里雍勝略黃麓山東西五十  
里南北八里東入咸陽北阪西至武功界武水東岸揚  
雄甘泉賦序北繞黃山瀕渭以東興平縣志即始平西  
原也三秦記長安城北有始平原長數百里漢時謂之

北芒巖

馬嵬坡在興平縣西二十五里孫景安征遼記馬嵬人

名未詳何代於此築城以避難

詳見古蹟  
已上興平

驪山在臨潼縣南里許即藍田北山綿亘而東五十餘

里漢書地理志新豐驪山在南故驪戎國三輔故事一

名麗戎之山水經注麗戎之山一名藍田其陰多金其

陽多玉一名會昌山一名昭應山長安志天寶元年更

驪山曰會昌七載又改曰昭應又名浮肺山水經注冷

水出浮肺山山北有女媧氏谷路史女媧繼興於麗其

東為東繡嶺雍大記在驪山右東為玉蕊峰又東為金

斧山縣志在縣東南二十五里方輿紀要石罅中有石如斧金色亦謂之金谷谷中常溫金砂洞

縣志在山上石甕谷雍大記在驪山半腹長安志石甕谷有懸泉激石成白似甕形因名

縣志石甕谷中盡植蘭蕙亦謂之芝走馬嶺縣志在山蘭谷谷上有石魚巖其右澗為風谷

里又東為分水嶺已上皆在東繡嶺其西為西繡嶺雍大記在

驪山左中有飲鹿槽都穆驪山記在嶺西丹霞泉通志在

上老母殿前殿西南牡丹溝通志在燕子龕縣志在降

有飲濟泉即澶水嶺西聖觀內

又西為石駱駝峰磴子谷

長安志在縣西南七里已上皆在西繡嶺

其別麓

為鳳皇原

縣志在縣西南十五里長安志後漢延光二年鳳皇集新豐西亭即此原也

鸚武

谷

縣志在縣西南二十里唐中宗登驪山高頂寓目詩四郊秦漢國八水帝王都閭闔雄里閑城闕壯規模

貫渭稱

天邑含岐實奧區金門披玉館因此識皇圖蘇頌奉和聖製登驪山詩仙蹕御層氛高高積翠分巖聲

中谷應

天語半空聞豐樹連黃葉函闕入紫雲聖圖恢寓縣歌舞少橫汾張說奉和聖製登驪山詩寒山上半

空臨眺

盡寰中是日巡遊處晴光遠近同川明分渭水樹暗辨新豐巖壑清音暮天歌起大風孫遜奉和登會

昌山應

制詩巖磴列雲旗吾君訪道時乾行萬物覩日馭六龍遲望遠迴天顧登高動睿詞願因山作壽長保

會昌期

謹按驪山及溫泉題咏甚富今以唐元宗以前諸詩附入名山天寶以後懷古諸作分載古蹟卷內

前諸詩附

入名山天寶以後懷古諸作分載古蹟卷內

慶山在臨潼縣東南三十五里唐書五行志垂拱二年  
新豐露臺鄉有山湧出武后名之曰慶山

鴻門坂在臨潼縣東十七里史記項羽本紀羽軍在鴻  
門下沛公軍在霸上相去四十里從驪山下道芷陽間  
行不過二十里水經注新豐縣故城東三里有阪長二  
里餘塹原通道南北洞開有同門狀謂之鴻門長安志

漢舊大道北下阪口名也即亭尉呵李廣處

互見古蹟  
已上臨潼

奉政原

一作奉正

在高陵縣南十一里縣志原自涇陽來過

欽定四庫全書

卷二

境盡於臨潼高者四五丈涇渭之不得北徙者此原障之也長安志東西長三十里南北濶三里一名降駕原相傳漢文帝自代來次高陵毘沙鎮四日或云唐明皇兩幸之故名

鹿苑原在高陵縣西南三十里三輔黃圖安陵有果園名鹿苑高陵縣志原自咸陽縣來當涇渭二水之間長安志東西長一十五里南北濶一里省志一名鹿臺

高陵

上

終南山在鄠縣東南二十里縣志終南在縣境隨地異名遠者三十里近者二十里皆終南也

華陽谷在鄠縣西南

牛首山在鄠縣西南二十三里三輔黃圖甘泉宮中有牛首山元和郡縣志山南接終南在上林苑中西京賦繞黃山而欵牛首是也

勞谷在鄠縣西南二十里本作勞谷漢書郊祀志宣帝時京師近縣祠鄠則有勞谷鄠縣志谷內有苦竹溝八

里坪犁轅坪土田肥美

栗谷在鄆縣西南二十里相近有馬谷皂谷直谷

白雲山在鄆縣南二十里縣志山與縣治對其下有白雲觀老子泉相近為檀谷曲谷

圭峰在鄆縣南二十里一統志其形如圭相對有重雲寺寺東有小圭峰相近為子房山中有黃石洞相傳為張良辟穀處

鷄頭山在鄆縣東南三十里雍勝略俗呼為小武當山



太平谷在鄆縣東南一統志谷內有萬花山長嘯洞重雲閣諸勝

紫閣峰 白閣峰 黃閣峰 三峰俱在鄆縣東南三

十里雍勝略紫閣峰旭日射之爛然而紫其形上聳若

樓閣然白閣陰森積雪弗融通志峰東又有大頂凌霄

羅漢三峰

宋程顥遊紫閣峰詩仙掌遠相招紫紆度石橋暝雲生澗底寒雨下山腰樹色千層亂天

形一罅遙吏紛難久駐回首羨漁樵

雲際山在鄆縣東南六十里東接長安界

宋程顥雲際山詩南藥東

邊白閣西登臨身共白雲齊上方頂上  
朝來望陡覺羣峰四面低

已上鄠縣

臣謹按以上諸山谷皆在鄠西南隨地異名實皆終

南一山也又關中稱谷多謂之峪爾雅釋水注谿曰  
谷顧炎武音學五書今人讀谷為穀亦如山作峪乃  
讀為裕者蓋音本相通也今並從舊作谷

終南山在藍田縣西南七十里與咸寧接界

庫谷在藍田縣西南四十里方輿紀要唐時有石門鎮  
通志谷有溫泉唐初有異僧止此見雪融不積曰必溫

泉也掘之泉果涌出

採谷在藍田縣西南三十里長安志與輞谷並有細路通商州上洛縣

輞谷在藍田縣西南二十里雍大記商嶺水流至藍橋復流至輞谷如車輞環湊落疊嶂入深潭有千聖洞細水洞茶園栗嶺唐右丞王維莊在焉所謂輞川也藍田縣志輞川即曉山之口去縣南八里兩山夾峙川水從此北流入灞其路則隨山麓鑿石為之計五里許甚險

狹卽所謂匾路也過此則豁然開朗此第一區也團轉而南凡十三區其勝漸加計三十里至鹿苑寺卽王維

別墅

詳見古蹟

七盤山在藍田縣南二十里唐書地理志貞元七年刺史李西華患此路之險自藍田至內鄉開新道七百餘

里回山取塗人不病涉謂之偏路通典七盤十二緦

緦坡

在縣東南藍田之險路也藍田縣志七盤山延亘綿遠西接

終南東通商洛險峻紆迴一曰七盤嶺

峽山在藍田縣南二十里峽關蓋自此而名亦謂之峽  
嶺漢書注山在上洛北藍田南武關之西雍錄峽山又  
名青泥嶺故水經曰峽柳城俗謂之青泥城

桓公堆在藍田縣南二十五里長安志晉書桓溫伐苻  
健健遣苻雄等拒溫於愁思堆後因名桓公堆

秦嶺在藍田縣東南接商州界方輿紀要即南山別出  
之嶺凡入商洛漢中者必越嶺而後達東出即藍田關  
矣西為小秦嶺

傾谷在藍田縣東五十里西有同谷水經注藍田谷西  
北有銅谷次東有輕谷

藍田山在藍田縣東南三十里一名覆車山郭緣生述  
征記山形如覆車之象漢書地理志山出美玉一名玉  
山風土記山巔方二里仙聖遊集之所下有神祠甚嚴  
灞水源出於此又西有華胥氏尊盧氏冢次北有女媧  
氏谷則知此地是三皇舊居之所括地志縣西北有驪  
山即此山之北阜一統志山有唐公主洞相傳唐時有

公主好道闢此居之下有玉漿井

橫嶺在藍田縣北三十五里長安志自臨潼之驪山東入縣界橫接華州界藍田縣志嶺下有水名橫河相近有大金山小金山

白鹿原在藍田縣西二里許接咸寧界

已上藍田

石安原在涇陽縣西南七里長安志高二十丈東西三十八里南入咸陽界為咸陽原涇陽縣志石安原即畢原又謂之南原西自醴泉縣來東訖高陵在涇渭之間

綿亘二百餘里晉時石勒置石安縣以此

謹按石安舊縣今屬咸陽

其北陞傍涇者入縣境東西三十八里

嵯峨山在涇陽縣北五十里元和郡縣志嵯峨山東西

二十五里南北二十里雍勝略山東北屬三原西北屬

淳化西南屬涇陽一名截薛山漢書地理志池陽截薛

山在北

謹按池陽故城在今縣西北

水經注鄭渠故瀆東逕截薛山

南一名慈峨山魏書地形志泥陽縣有慈峨山王褒雲

陽宮記慈峨山黃帝鑄鼎於此涇陽縣志山東抵清谷



西抵冶谷亘二十里上有三峰最東曰鉢盂臺旱禱多應中曰大臺峰頂有仰天池西峰有石窟深五六里風從內出

冶谷在涇陽縣西北六十里一曰谷口一曰寒門漢書郊祀志申公曰黃帝接萬靈明庭明庭者甘泉也所謂寒門者谷口也注顏師古曰谷口仲山之谷口也漢時為縣今呼為冶谷太平寰宇記其山出鐵有冶鑄之利因以為名又東谷口與涇水所出之谷口東西相去二

十餘里有巖曰鄭巖泉曰鄭泉

仲山在涇陽縣西北七十里長安志雲陽宮南三十里  
有仲山俗謂高祖兄仲所居今山有仲子廟積旱祈之  
園此射獵則風雨暴至廟有一泉未曾水竭一作中山  
史記封禪書武帝獲寶鼎於汾陰將薦之甘泉迎至中  
山睭睭有黃雲蓋焉河渠書鄭國鑿涇水自中山西水  
經注鄭渠東逕中山南俗謂之仲山方輿紀要山在北  
接嵯峨西麓中隔冶谷西連九峻山涇水逕其中故曰

中山或曰以山在治水西涇水東也涇陽縣志山半有

泉曰小師泉即仲子廟之泉也山麓有虎坪

已上涇陽

白鹿原 清鄠原 孟侯原俱在三原縣北四十里縣

志西連嵯峨東至斷原連亘四十里白鹿在舊縣東清

鄠一名豐原在舊縣北濁谷口東孟侯在舊縣西

謹按三原

舊縣在今縣治北終縣東西界故縣以此名

嵯峨山在三原縣西北四十里雍勝略嵯峨在天齊原

之上

謹按天齊原在縣西北二十五里

特出雲表登其嶺涇渭黃河皆

在目前三原縣志上有靈湫旱禱輒應

互見涇陽  
已上三原

終南山在藍屋縣南三十里縣志東接鄠縣西接郿縣  
界枝峰別嶺隨地異名

韋谷在藍屋縣西南五十里縣志俗謠為泥谷與郿縣  
接界又南三十里為掃帚嶺北十里為倉谷

安樂山在藍屋縣西南二十五里長安志其東文王廟  
有玉女泉人傳與岐山文王廟之水相為消長又東七  
里為車谷車谷南十五里為翠峰巔有唐仙姑祠東三

里為强弩谷

今名强谷

又東五里為稻谷又東四里為耐山

又東四里即駱谷也

駱谷在藍屋縣西南三十里縣志其南八十里為十八盤又南十里至河底為故駱谷關通洋縣元和郡縣志駱谷道漢魏舊道也近代廢塞武德七年復開續通典自長安取駱谷路至興元府六百五十二里通鑑地理通釋駱谷在長安西南二百里谷長四百二十里一統志駱谷口明設巡司隆慶中盜賊竊發巡司不能禁遂

塞谷之東五里為新口谷駱谷東有黑鳳山

黑水谷在藍屋縣南二十五里一名芒谷水經注芒水出南山芒谷山側有石室世謂之玉女房長安志玉女洞在縣南三十里洞門崇四尺濶三尺通志芒水色黑因以芒谷為黑水谷其南三里仙遊潭北有玉女洞又潭傍羅漢洞東有馬融石室又南一百八十里即秦嶺也又芒谷口內三里為韓谷口外稍東為黃谷又東四里為團標谷有石笋卓立如塔可十丈許其頂有雙栢

樹又東五里為馬岔谷又東二里即龍谷也

宋蘇軾馬融石室詩

未應將軍聘初從李直遊絳紗生不識蒼石尚能留豈  
害依梁冀何須困李侯吾詩慎勿刻猿鶴為君羞又玉  
女洞詩洞裏吹簫子終年守獨幽石泉為曉鏡山月當  
簾鉤歲晚杉楓盡人歸霧雨愁送迎應鄙陋誰繼楚風  
謳

東觀谷在藍屋縣東南三十里縣志其東為卧牛池相  
傳老子入關駕車牛徐甲牧之曾卧此其西為化女泉  
相傳老子植杖化一女子以試徐甲拔杖泉湧故名泉  
下有晒丹石

就谷在藍屋縣東南三十里縣志其西有吾老洞石穴  
深邃莫測聽有風聲相傳中有玉匣即老子墓洞上有  
殿奉老子石像谷之東三里為飛昇谷又東三里為西  
觀谷有佛塔俗呼為塔兒谷又東二里為東觀谷又樓  
子山去塔峪三十里唐大慧禪師為武功令武三思欲  
交之因隱於此上有洞

太微峰在藍屋縣東南三十五里東觀谷東一里縣志  
形勢嵯峨直接太虛相傳老子飛昇於此其下有煉丹



峰又有上善池在說經臺之麓池上有元趙孟頫書碑  
又東側為聞仙谷其東崖為呂公洞相傳為唐呂巖隱  
處谷東二里即田谷

田谷在藍屋縣東南三十五里水經注田谿水出南山  
田谷縣志谷南五里為仰天池在山頂廣二畝餘水深  
數尺旱禱有應又南五里有十老洞洞中有石像十故  
名

樓觀山在藍屋縣東南三十七里山形重叠如樓一名

石樓山方輿紀要就水東北經大陵世謂之老子陵是也唐開元末得元元像於樓觀山即此說經臺在其南又東南三里為五福山一統志五峰聳峙自此而南鳥道縈紆可通洋縣

赤谷在藍屋縣東南五十里水經注漏水出南山赤谷縣志谷南五里曰迎陽洞相傳為鍾離權修煉之所又

東過嶺為牛谷

今名牛角盆

又東三里為檀谷

檀一作壇又作潭今名大

渠谷之南有紅石洞檀谷之東三里為耿谷

耿谷

一作景谷

在藍屋縣東南六十里水經注耿谷水出南

山耿谷縣志又南為高山嶺有池周五里又耿谷東十里為甘谷水經注甘水出南山甘谷其東南為望仙坪石鏡谷在藍屋縣東南七十四里嶺半有石方丈餘明瑩如鏡遠照長安谷南十里為五泉嶺西為佛骨堆又東過清淨山四里為澇谷接鄠縣界

已上藍屋

分水嶺在渭南縣西南五十里縣志嶺東北麓之水入於酒嶺西南麓之水入藍田故名其西北曰牛思嶺其

東北麓曰嚴坡有嚴谷俗傳漢嚴光隱處

石鼓山在渭南縣西南五十里一名石樓山元和郡縣志酒水出縣西南石樓山西北為駒兒嶺

黃狗峪在渭南縣南六十里縣志峪西為小峪又西為大峪大小兩峪之間有山為南月圓北月圓清水河經其中南月圓山四面懸崖僅通一徑山上有仰天池池旁有田千餘畝其西南為馬鞍嶺

元象山在渭南縣南七十里一名倒虎山水經注首水

出倒虎山

謹按首水即今酒水

一名倒獸山元和郡縣志倒獸山

王子年隱處

龍尾坡在渭南縣南五里縣志上有朝元洞又上有秦女峰西當酒川口曰風門三秦記風門兩阜相對其中多風

大秦嶺在渭南縣南七十里縣志自縣東青岡坪至東四川之南曰大秦嶺其東南曰小秦嶺嶺南屬商州界雲臺山在渭南縣東南六十里通志山頂高而平四面

方整一名七星山雍勝略山上有七星塔其西南曰曹

峪

已上  
渭南

荆山在富平縣西南十里書禹貢導汧及岐至於荆山

史記黃帝鑄鼎於荆山下漢書地理志懷德縣禹貢北

條荆山在南下有彊梁原

謹按懷德故  
城在縣西南

括地志荆山今

名掘陵原

萬斛山在富平縣東北九十里縣志石如斗斛者數萬

其西為大水峪又西為石疊山通志一名樓子山又西

北為十二盤嶺

金粟山在富平縣東北九十五里通志一名紫金山縣志一名菩薩山山有龍泉每歲清明人多取其水以祈年又謂之靈泉山其巔有高禰祠又山之東有劉仙洞人題之曰碧雲島又西曰揣天山又西曰玉鏡山一名金絲山

頻山在富平縣東北七十里水經注頻陽城北有頻山一名土門山元和郡縣志山有二土闕狀似門後魏以

此名縣一名明月山縣志中有高阜九山環抱若拱向然其西北麓一小山陡出曰堡子山其北麓曰千尺崖壁立百仞鳥道可通下有千尺泉耀州志山南有頻陽故城與同官鰲背山相接其下有勾谷澗

老君山在富平縣北七十里縣志山南有鐵牛洞故一名鐵牛山又北三里為左眼山山之右有老君洞又東二里為石窩山又東二里為底店山下有三泉峪又東二里為龍眼山下有藥泉峪



錦屏山在富平縣西北三十五里省志其下為錦川山  
上有王翦廟一名將軍山其傍為高陽峰一名走馬嶺  
其東南十里為蟠桃山上有三泉

月窟山在富平縣北四十里省志有泉深數仞旱禱必  
應縣志其南有王石洞世傳為王仙隱處右有玉女洞  
左有仙人洞深俱不測前為唐中宗定陵錄異記陵後  
通關鄉入谷二十餘里有二洞一名東女學一名西女  
學東女學洞崖壁懸絕躋攀不及夜往往聞讀書聲相

傳山前有神雕常護洞門人或犯者擊之西女學洞有一石室秉炬可行一二十里近閉不通又山頂有天井直下深二丈許傍有崖龕梯磴而上屈曲甚廣龕內有道經置栢牀上有石人俯首憑案而坐形如生

龍泉山在富平縣北三十里一名鳳皇山縣志後周太祖成陵在鳳皇山南一名龍泉山耀州志山有五泉涌

出故名

已上  
富平

九峻山在醴泉縣東北五十里漢書地理志谷口縣九

峻山在西

謹按谷口縣故城在今縣東北

唐六典關內道名山曰九峻

四夷郡縣志九峻山東連仲山西當涇水高六百五十丈周迴十五里廣一里縣志山有九峰聳峻其南麓即咸陽北阪少東為青峰山又東為覆甌山與九峻岡隴相接旁有烟霞洞又東北十里為芳山

鳳皇山在醴泉縣東北四十里縣志附麗九峻相傳周時鳳翔於此西為豆盧谷

五將山在醴泉縣北三十里唐書地理志醴泉縣有武

將山一名馮山雍勝略即漢辛孟隱處

無勞山在醴泉縣北五十里縣志相近有敬德洞又西  
為承陽山長安志承陽山西有兩水谷縣志一名石泉  
谷又西北為五峰山一名溫宿嶺長安志漢時溫宿國  
人內附令居此地田牧故名縣志山與永壽接界上有  
靈湫旱禱輒應

已上  
醴泉

飛仙山在同官縣南三十里縣志有飛仙洞俗傳為葛  
洪昇仙處相近為兔窩嶺通志相傳唐太宗為秦王時

獵兔於此石上有兔矢遺蹟其南為金牛嶺縣志昔有  
牧兒遇虎一黃牛與鬪得免會秦王擒劉黑闥歸親射  
其虎於嶺上獲之因名其東為鳳皇原

龍蟠山在同官縣東門外縣志蜿蜒如龍與縣治西北  
虎頭山對峙

女迴山在同官縣北四十里通志俗傳秦築長城孟姜  
女負其夫骸經此而返故曰女迴縣志女迴山橫遮無  
路忽道從峽口出其東為神水峽兩山峻削險阻並於

石門東北通榆林西北通寧夏甘肅魏收志同官縣有  
關山疑即此

丈王山在同官縣西北四十里又西為武王山又西八  
里為白馬山南接耀州界

金山在同官縣西北三里通志山西麓有濟衆泉自石  
罅中涌出旱禱有應

虎頭山在同官縣西北縣志狀如虎踞縣城依於其麓  
亦名虎踞山下有石泉清涌不竭引流入縣治中

濟陽山在同官縣西南縣志上有寨下有芳泉甘冽異

常相近有嶂山皆為縣城所附

已上同官

五臺山在耀州東三里康乃心五臺山記自唐簡陵折而西北一峰特起曰鑑山鑑山之下有五峰絕漆沮俯郡城是為五臺唐徵士孫思邈隱居地望之如在雲際躡其巔又坦然如臺東曰瑞應南曰起雲西曰昇仙北曰顯化中曰齊天北臺有石洞曰太元洞深不可測或曰真人曾療龍龍愈後穿此達同官可四五十里其下

有聚虎坪即真人伏虎處自南庵西橋而北崖畔大石  
白二水漬栢葉成碧綠色飲之可愈痼疾洗藥池也又  
山石可為磬叩之鏗然有玉聲故一名磬玉山東有巨  
穴每風從穴出名風洞山喬世寧五臺山記山東至駱  
駝堰西至漆水南至溝巖北至尹師澗又太元洞東北  
八里相傳為孫真人故宅昔有掘地得鐵鉢藥瓢諸物  
者又洞之東下有仙姑洞耀州志五臺山石洞南三里  
有山自東而西為東乳山亦名落星原自西而東南為



西乳山兩山環抱州城漆沮水會於山下從山隙中出

又名鶴鵲谷

俗謂之谷口

出谷口為富平界即土門山矣又

安君山在州東五里磬石山東又東為將軍山有王翦祠又東為寶鑑山年豐則山有光如鑑州之得名以此

耙樓山在耀州北四十五里西為樹子山又西為石臯

山又西為笠子山又西為九龍寨州志山有九峰又有

九泉故名又西為神水嶺又西為石觜山又西為三石

山通志山麓有奇峰洞滴水成泉謂之天漿又西為錐

子山皆自東北以至西北者也


木門山在耀州北六十里州志有上中下三木門相去各三里西為照金山又西為箭杆山又西為分水嶺在故寧谷鎮西北築有岸門又西為石門山通志有石如

門最為西北要害

謹按石門山今屬三水縣

鳳翼山在耀州西北六十里一名車蓋山西接淳化界又西北十里為金圭山其北為棊盤嶺相近為負高原禹貢錐指耀州有負高原故縣名華原又西北為大唐

山已上  
耀州



關中勝蹟圖志卷二